

Evening Dogri (NSD)

Bulletin 04-03-2025

आकाशवाणी

खबरां शिवि सूरी कोला

- प्रधानमंत्री नरेंद्र मोदी होरें आखेआ जे सरकार आत्मनिर्भर भारत दे नजरिये कन्नै कम्म कर'रदी ऐ।
- भारतीय राजस्व सेवा अधिकारी एहू यकीनी करन जे जरूरी संसाधन निरपक्ख, प्रभावी ते पारदर्शी तरीके नै संग्रहित कीते जाने लोडचदे, आखेआ राष्ट्रपति द्रौपदी मुर्मू होरें।
- हाइब्रिड युद्ध, साइबर ते अंतरिक्ष आधारित मुश्कलें जनेई अपरम्परागत खतरे सुरक्षा उपकरणें लेई चुनौती पेश करा'रदे न, आखेआ रक्षा मंत्री राजनाथ सिंह होरें।
- सूचना ते प्रसारण मंत्री अश्विनी वैष्णव होरें विद्यार्थियों गी अपने कम्में पर ध्यान केंद्रित करने ते अपने लक्ष्यें गी हासल करने गितै बचनबद्ध होने दा आह्वान कीता।
- केंद्री मंत्री राजीव रंजन सिंह होरें आखेआ जे देश भर च कोई 10 लक्ख 40 जहार महिला पंचायती राज संस्थानें कन्नै जुडी दियां न।

<><><><><><>

PM-Webinar

प्रधानमंत्री नरेंद्र मोदी होरें आखेआ जे सरकार इक आत्मनिर्भर भारत दे नजरिए कन्नै कम्म करा'रदी ऐ। सरकारै सुधार दी गति च तेजी आहनी ऐ। अर्थ बवस्था च एम.एस.एम.ई दे महत्व गी लेइयै मोदी होरें आखेआ जे एम.एस.एम.ई मुख्य दे आर्थिक विकास च परिवर्तनकारी भूमिका निभांदे न। विकास, विनिर्माण, निर्यात ते परमाणु उर्जा मिशनें, विनियामक, निवेश ते कारोबार करने च सुगमता च सुधार करने दे तौर पर मोदी होर एम.एस.एम.ई खेत्तर पर बजट गी संबोधित करा'रदे हे। मुख्य च

कारोबार गी सखल्ला बनाने ते इस भेठा सुविधा पजाने लेई कीते गेदे बक्ख-बक्ख उपाएं गी लेइयै मोदी होरें आखेआ जे सरकार नै जन विश्वास अधिनियम दी अमलावरी कीती ते अनुपालन गी घट्ट करियै सखलला ते सौक्खा बनाइयै आयकर दी अवाधारणा पेश कीती गेई। उनें आखेआ जे सरकार दुए जन विश्वास विधेयक पर कम्म करा'रदी ऐ।

<><><><><><>

Prez. Murmu

राश्ट्रपति द्रौपदी मुर्मू होरें एहू साफ कीता ऐ जे टिकाऊ ते समावेशी विकास लेई संसाधनें दा प्रबंधन कुशलता ते निरपक्खता कन्नै कीता जाना लोडचदा। राश्ट्रपति होरें एहू गल्ल अज्ज राश्ट्रपति भवन च भारतीय राजस्व सेवा दे अधिकारी प्रशिक्षुएं गी संबोधित करदे होई आक्खी। उनें आखेआ जे देश दा बुनियादी ढांचा बदा'रदा ऐ। डिजिटल संपर्क अगगे बदारदा ऐ। हून आर्थिक मौके पैहले कोला मते असान होई गेन। राश्ट्रपति मुर्मू होरें आखेआ जे बदलदे समें, बददी मेदें ते सरकारी पैहलें इक नमें युग दी शुरूआत कीती ऐ जिस च मती दक्षता, पारदर्शिता ते सुविधा ऐ।

<><><><><><>

PM Austria Chancellor

प्रधानमंत्री नरेंद्र मोदी होरें आस्ट्रिया दे फेडरल चांसलर दे रूपै च सगंध लैने पर Christian Stocker होरें गी ममारखां दित्तियां। सोशल मीडिया पोस्ट च श्री मोदी होरें आखेआ जे भारत-आस्ट्रिया मजबूत सांझेदारी औने आहले बरें च लगातार प्रगति दी बत्तै पर अगडा बदा रदा ऐ। प्रधानमंत्री होरें आखेआ जे ओहू दौनें देशें दे पारस्परिक रूपै नै लाहकारी सहयोग गी अभूतपूर्व उंचाइयें पर लेई जाने लेई उन्दे कन्नै कम्म करने लेई उत्सुक ऐ।

<><><><><><>

कम्युनिकेशन दे 56में दीक्षांत समारोह गी संबोधित करदे होई श्री वैष्णव होरें आखेआ जे अज्ज मीडिया दी पूरी दुनिया बदला'रदी ऐ। उनें विद्यार्थियें गी देश गी म्हेशां पैहली तरजीह देने गी आखेआ। श्री वैष्णव होरें आई.आई.एम.सी गी अत्याधुनिक सुविधाएं कन्नै लैस विश्व स्तरीय मीडिया संस्थान बनाने दी गल्ल बी दोहराई। कार्यक्रम दौरान मंत्री होरें पोस्ट ग्रेजुएट डिपलोमा कन्नै 2023-24 बैच दे कोई 478 जर्नलीजम दे विद्यार्थियें गी संबोधित कीता। शैक्षणिक उत्कृष्टता लेई 36 बेहतरीन विद्यार्थियें गी मेडल ते नकद ईनाम बी दित्ते गे।

<><><><><><>

Nadda-NHM Meeting

केंद्री स्वास्थ्य ते परिवार कल्याण मंत्री जे.पी. नड्डा होरें अज्ज नमीं दिल्ली दे भारत मंडपम च राष्ट्रीय स्वास्थ्य मिशन संचालन समूह दी 9मीं बैठक दी अध्यक्षता कीती। बैठक च स्वास्थ्य सेवा ते एन.एच.एम दे लक्ष्य गी हासल करने दे मकसद कन्नै नीतिगत ढांचे, अभियानें सरबंधी रणनीतियें ते माली मानदंडें पर चर्चा होई। राष्ट्रीय स्वास्थ्य मिशन दा एहू स्टीरिंग समूह सभनें श बड्डी नीति निर्माण ते दिशा प्रदान करदा ऐ। कार्यक्रम दौरान केंद्री स्वास्थ्य ते परिवार कल्याण राज्य मंत्री प्रताप राव जाधव ते अनुप्रिया पटेल ते नीति आयोग दे उपाध्यक्ष सुमन के. बैरी होर बी उत्थे मजूद हे।

<><><><><><>

Chirag-AAHAR

खाने-पीने आहली चीजें गी डब्बा बंद करने सरबंधी उद्योग मंत्री चिराग पासवान होरें आखेआ जे भारत च वैश्विक भुखमरी दी जरूरतें गी पूरा करने दी छमता ऐ ते सरकार देश च इक इको सिस्टम स्थापित कने लेई इस दिशा च कम्म करा'रदी ऐ। श्री चिराग होरें अज्ज नमीं दिल्ली दे भारत मंडपम च अंतरराष्ट्रीय खाद्ध ते आतिथ्य मेला आहार दे 39में संस्करण दे उद्घाटन सत्र दौरान एहू गल्ल आकषी। भारत बपार सरबंधी प्रमोशन आहले संगठन दे अध्यक्ष ते प्रबंध निदेशक प्रदीप सिंह खरोला

होरें आखेआ जे इस बरे मेले च 22 देशें सने 1700 शा मते प्रदर्शक हिस्सा लै करदे ना। उनें आखेआ जे 5 दिनें दे इस मेले च 1 लक्ख शा मते लोकें दे औने दी मेद ऐ।

<><><><><><>

CEC

मुख चुनांऽ आयुक्त ज्ञानेश कुमार होरें सब्बै मुख चुनां अधिकारियें, जिला चुनां अधिकारियें ते बूथ सतह दे अधिकारियें गी सब्बै वैधानिक जुम्मेदारियें गी पारदर्शिता ते लग्न कन्नै पूरा करने दा आह्वान कीता। श्री ज्ञानेश कुमार होरें नमीं दिल्ली च अज्ज सब्बै राज्यें ते केंद्र शासित प्रदेशें दे मुख चुनां अधिकारियें दे 2 दिनें दे सम्मेलन गी संबोधित कीता। उनें अधिकारियें गी राजनीतिक दलें प्रति सुलभ ते उत्तरदायी होने दा निर्देश दित्ता। उनें आखेआ जे सरबंधित सक्षम प्राधिकारी मौजूदा वैधानिक ढांचे दे अंदर सब्बै मुद्दे हल करने लेई सर्वदलीय बैठकां नियमित रूपै नै आयोजित करै। श्री कुमार होरें अधिकारियें गी एहू यकीनी करने गी आखेआ जे देश दे 18धू बरें दी बरेसू शा मती दी बरेस दे सब्बै नागरिक मतदाता दे रूपै च पंजीकृत होने लोडचदे ना।

<><><><><><>

Women Panchayati Raj

केंद्री पंचायती राज मंत्री राजीव रंजन सिंह उर्फ लल्लन सिंह होरें इस गल्ला पर लौहू पाई जे अज्ज देशभरै च कोई 10 लक्ख 40 ज्हार महिला पंचायती राज संस्थानें नै जुडे ना। उनें अज्ज नमीं दिल्ली च चनोई दी महिला प्रतिनिधियें दे राश्ट्रीय सम्मेलन च सशक्त पंचायत नेत्री अभियान दे उद्घाटन समारोह गी संबोधित करदे होई एहू गल्ल आक्खी। श्री सिंह होरें आखेआ जे सरकार नै महिलाएं गी सशक्त बनाने लेई लखपति दीदी ते नमो ड्रोन दीदी योजनाएं सने कई होर पैहलां कीतियां ना। कोई 1200 कोला मतियां चनोई दियां महिलां प्रतिनिधि इस कार्यक्रम च शामिल होए। कार्यक्रम दौरान 23 चनोई दियां महिला प्रतिनिधियें गी उन्दे पंचायतें च कीते गेदे असाधारण कम्में लेई पुरस्कार प्रदान कीते गे।



NI DM Earthquake Workshop

राष्ट्रीय आपदा प्रबंधन संस्थान ते राष्ट्रीय आपदा प्रबंधन प्राधिकरण नै अज्ज नमीं दिल्ली च भूचाल जोखिम घट्ट करने लेई छमता निर्माण कार्यक्रम पर इक दिनै दी कार्यशाला दा आयोजन कीता। इस च भूचाल दौरान तैयारियें च सुधार ते नुकसान नियंत्रण गी घट्ट करने पर चर्चा कीती गई। कार्यशाला च भूचाल दे बाद संपत्ति दे नुकसान गी घट्ट करने लेई लचीले बुनियादी ढांचें दे निर्माण दी जरूरतै पर बी चर्चा कीती गई।



Fisherman Freed

श्रीलंका दी जेलें थमां रिहा कीते गेदे 14 मछेरे चेन्नई पुज्जी गेन। इन्दे च रामेश्वर दे ओहू मछेरे बी शामिल न जिनेंगी पिछले बरे 23 दिसंबर ते इस बरे 7 फरवरी गी गिरफ्तार कीता गेआ ऐ। इनें सब्बै मछेरें गी भारतीय अधिकारियें गी सौंपी दित्ता गेआ ऐ। औपचारिकता पूरी करने दे बाद उनें चेन्नई भेजी दित्ता गेआ। राज्य मच्छी विभाग दे अधिकारियें उनेंगी उन्दे सरबंधत थाहरें पर भेजी दित्ता गेआ ऐ।



Nepal

नेपाल दी संसद नै देश दे आनलाइन बपार गी कनून सम्मत ते विनियमित करने लेई इलेक्ट्रानिक कामर्स बिल पास करी दित्ता ऐ। नेपाल सरकार नै देश च ई-कामर्स शुरू होने दे दाहके बाद इस बिल गी लागू करने दी गें पुट्टी। बिल दा मसौदा 2021 च तैयार कीता गेआ हा। मगरा बार-बार सरकार बदलने करी इसी रोकी दित्ता गेआ हा।



Europe

यूरोपीय आयोग दियां अध्यक्ष उर्सूला वेन देर लेयेन होरें अज्ज यूरोप दे रक्षा उद्योग गी प्रोत्साहन देने ते फौजी छमता बदाने लेई इक योजना पेश कीती। ब्रुलसेल्स च योजना दे बारे यूरोपीय संघ प्रमुख नै आखेआ जे यूरोप फही शस्त्रीकरण दे युग च ऐ ते अपना रक्षा खर्च बड्डे पैमाने पर बदाने लेई तैयार ऐ। वाशिंगटन च अमरीका दे राष्ट्रपति डोनाल्ड ट्रम्प ते यूक्रेन दे राष्ट्रपति वोलोदमीर जेलेन्स्की बश्कार बैहस दे किश दिन बाद अमरीका नै यूक्रेन गी सब्बै फौजी सहायता रोकी दित्ती ही।

<><><><><><>